

興國縣志卷之三十

方技

會文迪唐僖宗時黃巢之亂楊筠松與都監僕姓者竊秘府書奔虔文迪師事之熟究天文識緯黃庭內經諸書尤精地理後遊至袁州萬載縣愛其西山之勝謂其徒曰吾死葬於此卒如其言後其徒至豫章見之大駭歸啟其塚則空棺也人以為尸解所著有八分歌二卷行於世

蔡志

廖瑀字伯禹生於寧都年十五通五經人稱廖五經宋建炎中以茂異薦不第父三傳得地理之術於楊筠松

興國縣志

卷三十

方技

一

瑀尤精其術號廖金精以寧都有金精山也所著有懷玉經堪輿家至今宗之後子孫徙居三寮與會文迪之後同其繁盛蓋兩家塚宅皆筠松所卜而貽之識云

蔡志

蔡鍾有曰文迪原寧都會同里人子孫徙居興國之三寮歷宋元至今與廖金精後裔俱世傳其家學白衣承認代不乏人虔之言青烏家言者必稱三寮會廖故不得而外之也

胡從正精青烏家言王楊會之說為人卜葬安便詳審無依違欺蔽之病不特其術之過人也

槎翁集

馬春谷字春如精岐黃之學鄰境奉輿馬以迎候視療

者日踵其門春谷咸赴其急貧者輒不計直子朝顯朝
貴皆世其業學業操行爲世所稱槎翁集

謝世南得廖瑀之術精青烏家言傳其子永錫世南後
贈武功郎永錫爲武功大夫惠州巡檢使宋學士集

廖均卿瑀之後成祖卜壽陵久不得吉壞永樂七年仁
孝皇后未葬禮部尚書趙疋引均卿至昌平尋縣東黃

土山最吉車駕即日臨視封爲天壽山命武義伯王通
董其役授均卿爲欽天監靈臺博士蔡志林

會從政文迪之後與廖均卿同時相度皇陵有功授欽
天監博士學士解縉爲之贊蔡志

興國縣志

卷三十

方技

二

劉玉淵衣錦鄉人傳會廖之術官欽天監漏刻博士蔡志林

廖文政嘉靖十五年奉詔遷造獻陵有功授欽天監博
士蔡志

會邦旻字寅甫嘉靖丙申詔入京相造壽宮授欽天監
博士九年功成進階正七品志林

會鶴賓嘉靖甲子勅授欽天監博士蔡志

廖勝槩文政從孫授欽天監博士於形家業尤精海內
巨公多不遠千里來聘者能自謙抑凜凜篤行推重於

鄉閭蔡志林

廖紹定善談名理所著有地理指迷不下萬言大要推本於太極而敷演二氣五行八卦其說甚精蔡志林

廖紹寵著有陽宅簡要書福清葉相國向高為之序蔡志林

曾鶴翹嘉靖甲子朱國公府劾勞授七品散官

曾鶴翁嘉靖間奉南贛都御史取修本院給授冠帶

曾應良萬歷庚子奉取遷貴州遵義平越二府有功授官職

曾舉鴻應良之姪萬歷乙卯應天都御史王公取修本院給官服

興國縣志

卷三十

方技

三

曾日茂萬歷丙午奉益府取修墳塋給賜典儀

曾繼烈萬歷壬子奉益府取修本殿給賜典膳

曾漢萬歷戊申奉浙江都御史甘公取用授散職

廖紹祿寵之弟以堪輿授品秩

曾舉仕曾助國會宗亮皆文迪之裔遨遊閩越公卿間

並授散秩以上皆蔡志

曾永章與營昌平州

皇陵順治己亥授欽天監漏刻博士其族人曾國瑞亦

並被徵當授博士未任而卒志林

廖安民邑諸生世傳堪輿安民尤神解獨詣坐窻繫獄

太守郎公申雪之方修府廨召之相度曰甚吉然不日有遷移之事未幾太守以兄子巡撫江西遂有汾州之調又為郎氏先世營宅兆經歷塞外至紅羅山過吳逆三桂祖塋私語同行曰此覬非其分所謂白虎銜尸十年外當覆族已而悉如其言

贛郡張志

曾尚立字卓爾三僚人少攻舉業因世亂棄去精岐黃術會鄰邑寇將及境其渠帥病治之而愈因勸以戒殺賊唯唯族鄰賴以保全

孔志

廖邦明字睿堂監生以堪輿術著名遠近晚年歸里議於邑之巽方建文峯塔坤方造迴瀾閣援證古書著為輿國縣志

卷三十

方技

四

論說識者是之遂從其議西山塔頽廢已久亦由邦明建議興復所著巒理心得向水指南藏於家

曾尚鑄字鼎如精堪輿之學同時解方位理氣家言者咸推服之嘗與廖邦明建議造塔及迴瀾閣以挽邑中文運閩粵間耳其名不遠千里爭相延致